

«Շիրակի ուսուցիչների միություն» գիտակրթական կենտրոն ՀԿ
Վերապատրաստող կազմակերպություն

Ավարտական հետազոտական աշխատանք

Թեմա՝ Ավագ դպրոցականների մասնագիտական կողմնորոշման
խնդիրը դպրոցում

Կատարող՝ Եղիկյան Մարիետա Մարատի
Առարկա- Հասարակագիտություն

Դպրոց՝ Գյումրու 26 ավագ դպրոց,

Ղեկավար՝ Ալեքսանյան Կարինե

Գյումրի 2023թ.

Բովանդակություն

Ներածություն-----	1
Գլուխ 1. Ի՞նչ է մասնագիտական կողմնորոշումը և ինչպե՞ս ճիշտ մասնագիտություն ընտրել-----	3
Գլուխ 2. Ուսուցչի դերը սովորողի մասնագիտական կողմնորոշման գործընթացում-----	10
Եզրակացություն-----	
Գրականության ցանկ-----	

Ներածություն

Մեր երկրում հասարակական, տնտեսական, քաղաքական և մշակութային կյանքում տեղի ունեցող փոփոխությունների պայմաններում այսօր անհրաժեշտություն է դարձել սովորողներին առավել ճիշտ և կազմակերպված ձևով նախապատրաստել հասարակական լիարժեք կյանքին: Պետք է իրականացնել արդյունավետ աշխատանքային գործունեություն և օգնել ավագ դպրոցի սովորողներին կատարել ճիշտ, հիմնավորված ու արդյունավետ ընտրություն: Փորձը ցույց է տալիս, որ շատ հաճախ այսօր ավագ դպրոցի սովորողին փորձում են ապակողմնորոշել դուրս գալով իրենց շահերից: Շատ կարևոր է մասնագիտական կողմնորոշման ժամանակ հաշվի առնել սովորողի մասնագիտական կարողությունները ու նրա գիտելիքների շրջանակը: Ավագ դպրոցականներ շրջանում ինտենսիվորեն զարգանում է բարոյական ուժերը, ձևավորվում է նրա հոգեկան կերպարը, որոշակի են դառնում բնավորության գծերը, ձևավորվում է աշխարհայացքը: Ներկայումս ազատ տնտեսական հարաբերություններով պայմանավորված մասնագիտության գիտակցված ընտրությունը դառնում է ավելի արդիական ու հրատապ: Նորագույն տեխնոլոգիաների, կրթության և աշխատանքի նոր շուկաների զարգացման պայմաններում շատ մասնագիտությունների և զբաղմունքների ներկայացվում են նոր պահանջներ, ծնվում են նոր մասնագիտություններ, որոնց մասին սովորողներն ու նրանց ծնողներն անգամ պատկերացում չունեն: Բացի անբավարար տեղեկատվությունից, կարևոր է նաև հանրակրթական ուսումնական հաստատությունների սովորողների նախասիրությունների և անձնային որակների բացահայտումն ու զարգացումը, և նախընտրած մասնագիտության համադրումը աշխատաշուկայի ներկա և կանխատեսվող պահանջարկի հետ: Մասնագիտության ընտրությունից հետո հաջորդ կարևոր խնդիրը մասնագիտական ուսումնական հաստատության ընտրությունն է:

Հետազոտության նպատակը՝

- իրազեկել աշակերտներին աշխատաշուկայում պահանջարկ ունեցող և զարգացող մասնագիտությունների մասին,
- նպաստել աշխարհայացքի ընդլայնմանը,

-վեր հանել աշակերտի հնարավորությունները ու նախասիրությունները, հաշվի առնելով նրա անհատական, հոգեֆիզիոլոգիական առանձնահատկությունները և առողջական վիճակը գտնել համապատասխան մասնագիտություն,

-օգնել պրակտիկորեն ուսումնասիրել հետաքրքրող մասնագիտությունը:

Հետազոտության խնդիրը՝

-ձևավորել աշխատանքի և մասնագիտությունների վերաբերյալ դրական վերաբերմունք,

-նպաստել կարիերայի պլանավորման և ձեռնարկատիրական գործունեության միջոցով ինքնագրավածության ապահովմանն ուղղված գիտելիքների, կարողությունների և հմտությունների ձևավորմանը,

-վերլուծել ու առանձնացնել այն գաղափարները, որոնք նպաստում են սովորելի մասնագիտական կողմնորոշմանը,

-բացահայտել և հիմնավորել մասնագիտական կողմնորոշման գործընթացում դպրոց-ընտանք կապի կարևորությունը,

Հետազոտության օբյեկտը՝ սովորողների մասնագիտական կողմնորոշման գործընթացը ավագ դպրոցում:

Հետազոտության առարկան՝ ժամանակակից դպրոցում ավագ դպրոցականների մասնագիտական կողմնորոշման գործընթացի իրականացումը:

Հետազոտության մեթոդը՝ Աշխատանքում որպես մեթոդական հիմք հիմնականում օգտագործվել են նկարագրական, համեմատական, դիտման, զրույցի, հարց ու պատասխանի, խմբային աշխատանքի, էքսկուրսիաների մեթոդները:

**Գլուխ առաջին : Ի՞նչ է մասնագիտական կողմնորոշումը և ինչպե՞ս ճիշտ
մասնագիտություն ընտրել**

Մասնագիտական կողմնորոշում կրթական ծրագրի հիմնական նպատակը սովորողների մասնագիտության գիտակցված ընտրությանն ու ինքնորոշմանը նպաստելն է՝ անձի հետաքրքրություններին, կարիքներին և առանձնահատկություններին, ինչպես նաև աշխատաշուկայում մրցունակ ապագա աշխատուժի պահանջարկին առավելապես համապատասխանող մասնագիտական գործունեության ազատ և գիտակից ընտրության հնարավորության ստեղծմամբ: Հանրակրթության ոլորտը կարգավորող նորմատիվ ակտերի պահանջների և կրթության բովանդակության կառուցվածքի համաձայն՝ 12-ամյա հանրակրթական դպրոցում մասնագիտական կողմնորոշումը դիտարկվում է որպես գիտականորեն հիմնավորված սոցիալ-տնտեսական, հոգեբանամանկավարժական, բժշկաֆիզիոլոգիական գործընթաց, որը կոչված է նպաստելու սովորողի անձի կողմից մասնագիտության գիտակցված ընտրությանը և կարիերայի պլանավորմանը՝ բացահայտելով և զարգացնելով վերջիններիս անհատական հոգեբանական առանձնահատկությունները, հետաքրքրություններն ու հակումները, ապահովելու նրանց անձնային աճը, ինչպես նաև ձևավորել աշխատանքի նկատմամբ դրական վերաբերմունք շուկայական հարաբերությունների պայմաններում:

Ինչպես ցույց է տալիս միջազգային փորձը, մի շարք երկրներում հանրակրթական ուսումնական հաստատություններում հատկացված են մասնագիտական կողմնորոշման ծառայությունների իրականացման հարմարավետ սենյակներ (կողմնորոշման կամ տեղեկատվական սենյակ)՝ համալրված անհրաժեշտ բոլոր ռեսուրսներով, սարքավորումներով: Կողմնորոշման սենյակի այցելուների մուտքն ապահովելունպատակով ընտրվում է պատասխանատու անձ, ով անհրաժեշտության դեպքում նաև նրանց ուղղորդում է: Գրասենյակի աշխատանքները համակարգվում են շաբաթականնախատեսված աշխատանքային գրաֆիկով: Յուրաքանչյուր մասնագետ համապատասխան մեթոդաբանությամբ և նախատեսված ժամկետներում իրականացնում է իր գործառույթները, որի մասին նաև գրառումներ է կատարում՝

հաջորդ մասնագետներին փոխանցելու նպատակով: Գրասենյակը տալիս է նաև ինքնասպասարկման հնարավորություն և իր բոլոր հարմարություններով նախատեսված է ինչպես աշակերտների, այնպես էլ ծնողների և մասնագետների համար:

Մասնագիտական ընտրության շեմին կանգնած մարդիկ տարբերվում են շրջապատող աշխարհի պահանջներին համապատասխան իրենց հնարավորությունները գնահատելու և իրենց ճանաչելու ձգտմամբ:

Մասնագիտական ինքնագիտակցության զարգացման հարցում առավել զգայունակ են հատկապես ավագ դպրոցականները: Սակայն մասնագիտության ընտրությունը մասնագիտական կայացման բարդ, երկարատև, շարժական ու հակասական գործընթացի միայն սկիզբն է: Այդ գործընթացում Տ. Վ. Կուդրյավցևն առանձնացնում է չորս շրջան.

1. Մասնագիտական մտադրությունների ծագում և ձևավորում: Դրա հաջող իրականացման հոգեբանական չափորոշիչը՝ աշխատաշուկայի, հասարակական պահանջմունքների և անձի մասնագիտական պահանջմունքների միջև համապատասխանություն գտնելն է:

2. Մասնագիտական կրթություն և դաստիարակություն: Սրա հաջողության հոգեբանական չափորոշիչը անձի մասնագիտական ինքնորոշումն է, այսինքն՝ իր հանդեպ վերաբերմունքի ձևավորումը՝ որպես ընտրված մասնագիտության ու մասնագիտական ուղղվածության սուբյեկտի:

3. Ակտիվ ներխուժում մասնագիտական միջավայր և մասնագիտական պարտականությունների կատարում: Սրա իրականացման հաջողության հոգեբանական չափորոշիչը մասնագիտության ակտիվ տիրապետումն է իրական աշխատանքային գործընթացի ուարտադրական հարաբերությունների պայմաններում և իրեն գտնելը աշխատանքային կոլեկտիվների համակարգում:

4. Անձի հնարավորությունների և մասնագիտական ձգտումների իրականացում ինքնուրույն աշխատանքում (լրիվ կամ մասնակի):

Մասնագիտության ընտրության վրա ազդող գործոններն են՝

- Մասնագիտության մասին գիտելիքներն ու դրա պահանջարկը
- Հակումները (հետաքրքրություններ, ջանքեր)

- Ընդունակություններ, առողջություն (ներքին հնարավորություններն ու սահմանափակումները)

- Պահաջների և ինքնագնահատման մակարդակը

- Ծնողների, ընտանիքի կարծիքը

- Հասակակիցների կարծիքը

- Ուսուցիչների, մասնագետների դիրքորոշումները

- Անհատական մասնագիտական պլան

Ի՞նչ է նշանակում մասնագիտության հիմնավորված ընտրություն և սխալ ընտրություն: Մասնագիտության ճիշտ և հիմնավորված ընտրությունը ենթադրում է ծայրահեղ դեպքում չորս գործոնների հաշվառում.

- անհատական առանձնահատկությունների,

- աշխատաշուկայի իրադրության (կոնյունկտուրա), այսինքն՝ ինչ մասնագիտություններ են պահանջված ներկա պահին,

- ընտրվող մասնագիտության և ուսումնական հաստատության մասին տեղեկացվածության,

- ենթադրվող ընտրության վերաբերյալ շրջապատողների (ծնողների, ուսուցիչների, ընկերների և այլոց) կարծիքի:

Իր հերթին, մասնագիտության սխալ ընտրությունը հաճախակի կապված է հետևյալ կողմնորոշումների հետ.

- որևէ բանով (օրինակ, նկարչությամբ) տարվածությունն ընտրության պահին,

- երբեմն խմբերով մեկ բուհ ընդունվող հասակակիցների ընկերակցությունը,

- ծնողների և ընկերների կտրական կարծիքը, ընտրված մասնագիտության անփոփոխությունը և դրան նվիրվածությունը,

- մասնագիտությունը մարմնավորող մարդը, բայց ոչ հենց մասնագիտությունը:

Առաջադիմող մասնագետը սովորաբար բարձրանալ սկսում է ցածր աստիճաններից

- ենթադրվող (և ոչ իրական) անձնային ու մասնագիտական կարևոր որակները, այսինքն՝ սեփական ֆիզիկական ու հոգեկան առանձնահատկությունների և թերությունների չիմացությունը կամ թերագնահատումը:

Կրթական համակարգում ապագա մասնագետների կայացման համար կարևոր դեր են խաղում մասնագիտության մեջ ինքնորոշումը, մասնագետների և աշխատաշուկայի պահանջարկի համապատասխանությունը, ինչին հնարավոր է հասնել հոգեբանամանկավարժական աջակցմամբ և ուղղորդմամբ: Եթե մինչ այժմ ուսումնառության մեջ մեզ հասած ժառանգությունը իմաստավորվել է մասնագիտական կողմնորոշման ճանապարհով, այն եղել է արդարացված, քանզի ապագա մասնագետները աշխատանքի են ուղղորդվել ըստ ստացված որակավորման:

Փոփոխվող հասարակության պայմաններում այն չունի արդյունավետություն, քանի որ ապագա մասնագետները (դեռահասներ, պատանիներ, երիտասարդներ) կրթությունը ստանալուց հետո աշխատանքի ընտրությունը կատարում են ինքնուրույն կողմնորոշվելով, ելնելով պահանջարկից: Այսինքն, այսօր առավել կարևոր է ապագա մասնագիտության համար ինքնորոշումը սեփական անձի հնարավորությունների և կարողությունների գիտակցման ճանապարհով, ոչ թե մասնագիտական կողմնորոշում՝ դրանց գնահատման միջոցով: Այս առումով կարևորում ենք հոգեբանական աջակցումն ու խթանումը ավելի վաղ՝ դեռահասության տարիքում, ինչը հնարավոր է իրականացնել համապատասխան տեղեկատվության լայնածավալ կիրառմամբ և դեռահասների շրջանում հոգեբանական ինքնաճանաչման, ինքնագիտակցման ձևավորման և զարգացման ճանապարհով: Սովորողի մասնագիտական ինքնորոշմանը կարելի է մոտենալ որոշակի հիերարխիայով. մանկական տարիքի խաղային գործունեության առանձնահատկություններից՝ թե ուր են ուղղված եղել հետաքրքրությունները (ինչպիսի դերեր, հերոսներ, կերպարներ և այլ), մինչև հասուն տարիքում՝ ընդունակություններով պայմանավորված՝ մասնագիտության ընտրություն և իրացում: Հիերարխիայի յուրաքանչյուր շերտ «պատասխանատու է» տարիքային այս կամ այն փուլի համար: Այսպես. դեռահասի պատկերացումներն ու երազանքները որոշակի համակրանք, կամ նույնիսկ հրապուրաքն են ձևավորում կոնկրետ մասնագիտության հանդեպ, իսկ արդեն պատանեկան տարիքում դրանք նախահիմք են դառնում արժեհամակարգի համար: Ապագա մասնագետը կայացնում է իր

որոշումը ընտրում է մասնագիտությունն ու ծավալում սկզբում ուսումնական, այնուհետև մասնագիտական գործունեությունը:

Հանրակրթական հաստատություններն այսօր նոր պահանջներ են առաջացնում ապագա երիտասարդների համար: Դրանցից ամենակարևորներից է մասնագիտական կոմպետենտության, որպես իրազեկվածության, ապահովումը: Ավագ դպրոցականների և երիտասարդների մոտ մասնագիտական կոմպետենտությունը կարող է նպաստել ապագա մասնագիտության ընտրության հնարավորությունների ընդլայնմանը, արդյունավետ ինքնորոշմանը:

Մասնագիտական ինքնորոշումը ապահովում է որոշակի պատրաստվածությունն ապագա մասնագիտության ընտրության համար: Ելնելով այն հանգամանքից, որ կրթական հաստատությունը պետք է ապահովի ոչ միայն գիտելիքներով, այլև այս կամ այն երևույթի մասին գործնականում ինքնուրույն վերլուծություններ և եզրահանգումներ կատարելու փորձառությամբ, անհրաժեշտ է ուսումնառության ընթացքում հաշվի առնել սովորողների՝ որպես ապագա մասնագետների, կոմպետենցիաների ձևավորման գործընթացը ևս: Կոմպետենցիաները, որպես անձի գիտելիքների, կարողությունների, հմտությունների, գործունեության ձևերի փոխկապակցված համախումբ, ձևավորվում են ուսումնական գործընթացներում, տարբեր առարկաների տիրապետման շնորհիվ և ծառայում են ապագա արդյունավետ գործունեության իրականացմանը:

Համապատասխան կոմպետենցիաներին տիրապետելը և գործունեության հանդեպ ձևավորված հստակ պատկերացումներն ու վերաբերմունքը ապահովում են

մասնագիտական կոմպետենտությունը երիտասարդ տարիքում: Մեր կողմից իրականացվող ծրագրի շրջանակներում դուրս են բերվել մասնագիտական

կոմպետենտության բաղադրիչները: Առանձնակի կարևորվել են մասնագիտական

կոմպետենտության և ինքնիրացման էական նշանակությունները, համադրություններն

ու տարբերությունները: Կոմպետենտության տեսանկյունից կարևորվել է

- համապատասխան գիտելիքի տիրապետումը,
- մասնագիտական նույնականացումը,
- նպատակի և դրան հասնելու միջոցների հստակությունը,
- պարտականության գիտակցումը,
- գործին ուղղված պատասխանատվության զգացումը,
- մասնագիտական գործունեության մեջ հնարավոր խնդրի կանխատեսումը,
- անձնային և մասնագիտական որակների փոխլրացումն ու համադրումը,
- աշխատանքի արդյունքի կարևորումն ու պահանջարկը...

Կոմպետենտության համար կարևորվում է նպատակների հստակությունն ու հաստատությունը, իսկ մանսագիտական ինքնիրացման համար՝ ճկունությունն ու նպատակների բազմազանությունը: Երբ դիտարկում ենք կոմպետենտությունն ու ինքնիրացումը ինքնուրույնության տեսանկյունից, ապա նույնպես հանգում ենք հակադրության. Կոմպետենտությունը չի պարտադրում ինքնուրույնություն, նույնիսկ սահմանափակում է այն, իսկ ինքնիրացման համար ինքնուրույնության ցուցանիշները կարող են միայն համալրվել ու նորովի զարգանալ: Ինքնուրույնության համարանհրաժեշտ նախապայմաններ են հանդիսանում որոշման կայացումը, ներքինազատությունը, պատասխանատվության գիտակցումը, կայացման ձգտումը, ինչին հնարավոր է հասնել գիտելիքի, մասնագիտության նախընտրության և պահանջարկի համապատասխանությամբ, արժեհամակարգի ձևավորմամբ, մատչելի տեղեկատվության ապահովմամբ և այլն...

Ինքնուրույնության խթանման համար անհրաժեշտ է կարևորել համապատասխան մոտեցումներն ու սպասումները ինչպես տարիքային տարբերփուլերում, այնպես էլ կրթական տարբեր աստիճաններում: Մանկության տարիներին ազատ և դերային խաղերի առաջադրմամբ երեխային կարելի է ուղղորդել, հետևել նրա ընտրության սկզբնական քայլերին, սովորեցնել պատասխանատվություն կրել սեփական ընտրության համար: Ավելի ուշ, դպրոցական տարիքում առավել կարևորվում է գիտելիքը, իմացությունը, ինչը թելադրվում է մեծի կողմից, և այս առումով ինքնուրույնության խթանումը զուգահեռ դժվար է իրականացնել: Սեփական անձի հետաքրքրությունների և ապագա մասնագիտության սկզբնական ինքնորոշման քայլերը կարող են իրականանալ վաղ դեռահասության տարիքում: Եթե տեղեկացվածությունը, մասնագիտությունների մասին պատկերացումները բավարար լինեն ինքնորոշման համար, ապա ուսումնական հաստատություններում սովորողները կարող են ինքնուրույն կողմնորոշվել սպասվող հոսքային ընտրության համար, այսինքն կայացնել որոշում՝ որպես ապագա մասնագետ:

Ուսուցչի դերը կարիերայի ուղղորդման մեջ միշտ մնում է առանցքային: Ռիսուցիչը այն անձն է, ով կարողանում է ուղղորդել աշակերտին, օգնել նրան կողմնորոշվել այսօրվա տեղեկատվական հոսքի մեջ և ընդգծել անձամբ իր համար ամենաօգտակարն ու արդիականը: Կարևոր է, որ ուսուցիչը փորձի օգնել

երեխաներին մասնագիտական ինքնորոշման հարցում: Օրինակ՝ նա պահում էր կարիերայի ուղղորդման օրացույց, որտեղ նշում էր այս ոլորտի բոլոր կարևոր իրադարձությունները՝ համալսարանի բաց օրեր, պրակտիկա և պրակտիկա դպրոցականների համար:

Բուհերն իրենց կայքերում նախապես տեղեկացնում են բաց օրերի մասին, հաճախ հայտարարություններ են լինում ամառային դպրոցների և պրակտիկայի մասնակիցների հավաքագրման մասին: Սա ուսումնական ինտենսիվ է 9-10-րդ դասարանների աշակերտների համար, ովքեր կկարողանան իրենց զգալ ապագայի մասնագետներ, ծանոթանալ տեխնիկական նոր զարգացումներին: Ծրագիրը ներառում է վարպետության դասեր, դասախոսություններ, գործնական պարապմունքներ, էքսկուրսիաներ և թրեյնինգներ, ինչպես նաև գիտաժողով, որտեղ լավագույն թիմերը կներկայացնեն իրենց նախագծերը: Արձակուրդների ընթացքում հանրապետության բուհերում կանցկացվեն ամառային դպրոցներ և դպրոցականների կարիերայի ուղղորդման փառատոներ, էքսկուրսիաներ:

Մինչ ուսումն ավարտելը սովորողները կարող են իրենց փորձել մի քանի մասնագիտություններում: Սա կօգնի նրանց ճիշտ ընտրություն կատարել: Ի՞նչ դեր կարող է ունենալ ուսուցիչը այս դեպքում: Օրինակ՝ կազմակերպել էքսկուրսիա դեպի արդյունաբերական ձեռնարկություն կամ ստեղծագործական ստուդիա, որտեղ սովորողները կարող են տեսնել, թե ինչպես են աշխատում մասնագետները:

Սովորողների ներգրավվածությունը մեծացնելու համար կարող ենք նրանց համար առաջադրանք պատրաստել. ինքնուրույն պարզել ընկերության աշխատակիցներից, թե ինչ պաշտոններ կան ձեռնարկությունում, և այս մասին տեսանյութ կամ ներկայացում պատրաստեք էքսկուրսիայի դաշտում:

Մասնագիտության մեջ ընկղմվելու մեկ այլ ձև պրակտիկան է: Սա իրական խնդիրների վրա աշխատելու հնարավորություն է: Պրակտիկայի ավարտից հետո տղաները կկարողանան օգտակար շփումներ հաստատել և ռեզյումեում տող ստանալ: Այս ձևաչափն ավելի հարմար է ավագ դպրոցի աշակերտների համար 14 տարեկանից (օրենքով), ավելի երիտասարդները կարող են գնալ կարիերայի ուղղորդման ճամբար:

Մասնագիտություն ընտրելու կարևոր ձևերից են վարպետության դասերը, որոնց ընթացքում փորձագետը սովորողներին կծանոթացնի մասնագիտությանը, կկիսվի աշխատանքային խնդիրները լուծելու հնարքներով և կպատմի, թե սովորողներինինչ լրացուցիչհմտություններ պետք կգան:

Վարպետության դասի ձևաչափով ավելի հեշտ կլինիկենտրոնանալ հենց մասնագիտության վրա, այլ ոչ թե ընկերության վրա որպես ամբողջություն:

Գլուխ երկրորդ: Ուսուցչի դերը սովորողի մասնագիտական կողմնորոշման գործընթացում

Մանկավարժը այն մասնագետն է, որը դաստիարակչական աշխատանքներ է կազմակերպումերեխաների, երիտասարդների և մեծահասակների հետ սոցմշակութային տարբեր պայմաններում(ընտանիք, ուսումնական հաստատություն, նախադպրոցական հաստատություն, մանկապարտեզ,մանկատուն, աշխատանքային կոլեկտիվ, օժանդակ կրթության հաստատություն և այլն): Մանկավարժիպրակտիկ գործունեության խնդիրների շրջանակը շատ լայն ոլորտներ է ընդգրկում` սկսած երեխաների հետ անմիջական աշխատանքից, որոնք ունեն սոցիալականացման հետ կապված խնդիրներ, մինչև համագործակցումը սոցիալական կազմակերպությունների, սոցիալական ինստիտուտների հետ, որոնքմասնակցում են աճող սերնդի սոցիալական դաստիարակությանը: Սրանով էլ պայմանավորված էմանկավարժի բազմաթիվ մասնագիտացումների առկայությունը:Մանկավարժի խնդիրն է ուղղորդել և կառավարել անձի սոցիալականացման գործընթացը, որը ընթանում է տարբեր սոցիալական գործոնների և սոցիալական ինստիտուտների ազդեցությամբ:Սոցիալականացումը անհատի կողմից սոցիալական միջավայր ներգրավվելու երկարատև, անընդհատ և հակասական պրոցեսն է: Այն ենթադրում է գիտելիքների, պրակտիկ կարողությունների յուրացում, հարմարում հասարակության արժեքային համակարգին: Սոցիալականացման ընթացքում ձևավորվող անձնավորությունը յուրացնում է սոցիալական դերեր, կուտակում է կյանքի փորձ, ձեռք է բերում կայուն վարքագիծ.

Մեր աշխատանքի սահմաններում ուսումնասիրվում է մանկավարժի աշխատանքի առանձնահատկությունները դպրոցականների հետ, որոնց սոցիալականացման հիմնական ասպեկտներն են.

- ուսման և իր հետագա կրթության նկատմամբ դրական վերաբերմունքի ձևավորումը;
- կենսական պլանների գիտակցված ձևավորվում և մասնագիտական ինքնորոշման անհրաժեշտության գիտակցումը;
- կենսական արժեքների համակարգի վերամշակումը
- մարդկանց հետ համագործակցության և փոխազդեցության դրական փորձի կուտակումը:
- քաղաքացիական դիրքորոշման, երկրում տեղի ունեցող հասարակական-քաղաքական գործընթացների նկատմամբ գիտակցված վերաբերմունքի ձևավորումը: Մրանք սերտորեն կապված են և փոխազդում են միմյանց հետ: Մանկավարժը մասնագիտական կողմնորոշման ծրագրերի միջոցով իր ներդրումն է ունենում դպրոցականների սոցիալականացման մեջ: Մասնագիտության ընտրությունը սոցիալականացման որոշակի փուլում հանդես է գալիս որպես վերջինիս նորմալ ընթացքն ապահովող հանգամանք: Ավագ դպրոցականների հետ մանկավարժի կողմից իրականացվող մասնագիտական կողմնորոշման աշխատանքների արդյունավետությունը որոշվում է բազմաթիվ գործոններով, այդ թվում նաև նրա տեղեկացվածությամբ:

Մասնագիտական կողմնորոշման ոլորտում մանկավարժի տեղեկացվածության հիմնական բաղադրամասերն են. մասնագիտությունների դասակարգման, աշխատանքի բովանդակության, մասնագիտության կողմից մարդուն ներկայացվող պահանջների մասին տեղեկությունների տիրապետումը, մասնագիտական կրթության ձեռքբերման ուղիները, ուսումնական կենտրոնների, միջին և բարձրագույն ուսումնական հաստատությունների, ընդունելության պայմանների մասին տեղեկությունների տիրապետումը, ընդունելության կանոնների, մրցույթների, ցուցանիշների մասին տեղեկացվածությունը, աշխատաշուկայի առանձնահատկությունների իմացություն (ներկայումս ի՞նչ մասնագիտություններ են պահանջված, հետագայում ո՞ր մասնագիտությունները ավելի մեծ

պահանջարկկուն ենան), մանկական, դեռահասության, պատանեկան տարիքի առանձնահատկությունների համադրություն և այդ գիտելիքների գրագետ կիրառում մասնագիտական կողմնորոշման աշխատանքներ կազմակերպելիս:

Հաջող գործունեության իրականացման պայման է մանկավարժների և հոգեբանների համագործակցությունը: Պետք է հստակորեն առանձնացնել յուրաքանչյուրի գործառույթները, ինչը հնարավորություն կտա ավելի գրագետ կազմակերպել մասնագիտական կողմնորոշման աշխատանքները: Այնուամենայնիվ աշխատանքը արդյունավետ կլինի միայն այն դեպքում, երբ բոլոր մասնագետներն աշխատեն միահամուռ կերպով: Մանկավարժի և հոգեբանի խնդիրն է միավորել և համակարգել բոլոր մանկավարժների, ընտանիքի, այլ շահագրգռված անձանց (այս կամ այն մասնագիտության ներկայացուցիչ), կազմակերպությունների ներուժը:

Հանրակրթական դպրոցում մասնագիտական կողմնորոշում իրականացնող մանկավարժի կարևորագույն խնդիրներից է մասնագիտական կողմնորոշման կենտրոնների բացումը, որոնց միջոցով էլ նա իրականացնում է իր մասնագիտական կողմնորոշման աշխատանքները: Կենտրոնի հիմնական խնդիրն է աշակերտներին անձնային զարգացման, ճիշտ սոցիալականացման, մասնագիտական կայացման և կենսական դիրքորոշման հարցում օգնություն տրամադրումը: Մանկավարժի աշխատանքը այս ոլորտում ևս շատ ընդգրկուն է՝ սկսած տարածքային սոցիալ-մանկավարժական ծրագրեր իրականացնելուց մինչև առանձին երեխային օգնության տրամադրում կապված նրա իրավունքների և հետաքրքրությունների պաշտպանության հետ: Մասնագիտական կողմնորոշման գործընթացը մանկավարժական գրականության մեջ դիտարկվում է որպես անհատի մասնագիտական ինքնորոշման գիտական կառավարում և մասնագիտական գործունեության ընտրության դրդապատճառներ: Մասնագիտության ընտրության կողմնորոշումը ներառում է անձի համապարփակ հոգեբանական և մանկավարժական ախտորոշման իրականացում, նրա բազմակողմանի մասնագիտական իրազեկման և մասնագիտական կողմնորոշման ձևավորում: Հոգեբանական և մանկավարժական հետազոտություններն ապացուցել են, որ մասնագիտության կողմնորոշման մեջ հատկապես կարևոր է դպրոցական տարիքը, որի ընթացքում դրվում են անհատի մասնագիտական զարգացման հիմնարար

հիմքերը, դրդապատճառների, հետաքրքրությունների, կարողությունների, բարոյական կողմնորոշումների, հարաբերությունների և վերաբերմունքի համալիր: Ձևավորվում են, որոնք հետագայում ձևավորում են արժեքային-մոտիվացիոն վերաբերմունք մասնագիտական գործունեության ընտրության ոլորտների նկատմամբ:

Առանձնացնենք մանկավարժի մասնագիտական կողմնորոշման աշխատանքի հետևյալ խնդիրները.

- Դպրոցականի հաջող ուսուցման, դաստարակության, անձի զարգացման, նրաստցիալականացման և մասնագիտական կայացման համար սոցիալ-մանկավարժական պայմանների ապահովում:

- Դպրոցականի ինքնակրթության, ինքնադաստիարակության, ինքնաիրացման, ապագա աշխատողների և մասնագետների ինքնագիտակցության ձևավորման հարցում օգնության ցուցաբերում:

- Դպրոցականի անհատական հետաքրքրությունների և պահանջմունքների զարգացում համապատասխան նրանց սոցիալական կայացմանը, բարոյականության, պատասխանատվության զարգացմանը:

Աշխատանք ավագ դրոցականների հետ.

Ախտորոշիչ գործունեություն.

- Սովորողների հետաքրքրությունների և հակումների բացահայտում և ուսումնասիրում

- Խառնվածքի և բնավորության ուսումնասիրում

- Ուսումնական գործունեության, վարքի, հաղորդակցման դրդապատճառների բացահայտում

- Վարքում, հաղորդակցման մեջ բացասական որակների և թերությունների բացահայտում

- Սովորողների դաստիարակվածության և զարգացման մակարդակի որոշում

- Սովորողների առողջական վիճակի ուսումնասիրում և հաշվի առնում

Խորհրդատվություն

- Մասնագիտական ախտորոշման հիման վրա սովորողներին մասնագիտական կողմնորոշման հարցում հատուկ օգնության ցուցաբերում

- Տեղեկատվական-ուղեցույցային խորհրդատվություն

3. Մասնագիտական տեղեկացում

- Աշխատանքի շուկայում իրադրության մասին պահանջված մասնագիտություններ, ոչպահանջարկ ունեցող մասնագիտացումներ
- Կրթության համակարգի, ընդունելության կանոնների, նախապատրաստական կուրսերի մասին տեղեկացում
- Ուսումնական հաստատությունների, ընդունելության կանոնների, նախորդ տարվա տվյալների(կոնկուրս, ռեյտինգ), ընթացող տարվա ընդունելության առանձնահատկությունների մասի տեղեկացում

4. Կազմակերպչական գործունեություն

- Մասնագիտական կողմնորոշման թեմատիկայով միջոցառումների կազմակերպում, «Մասնագիտական կողմնորոշման շաբաթ», «Մասնագիտական կողմնորոշման շաբաթ», զրույցներ էքսկուրսիաներ, հանդիպում տարբերմասնագիտության ներկայացուցիչների հետ

- Դպրոցականների ինելամիտ ժամանցի կազմակերպում սպորտային և ստեղծագործական խմբակներ, դպրոցականների ստեղծագործական ընդունակությունների զարգացման անհրաժեշտ պայմանների ստեղծում: Դպրոցականների հետ տարվող մասնագիտական կողմնորոշման աշխատանքների ձևերը.

- Մասնագիտական ինքնորոշման հարցով անհատական և խմբային կոնսուլտացիաներ

- Զրույցներ, դասաժամեր մասնագիտական կողմնորոշման թեմատիկայով

- Տարբեր մասնագիտության ներկայացուցիչների հետ հանդիպում

- Վարպետության մրցույթներ

- Էքսկուրսիաներ տարբեր ձեռնարկություններ և ուսումնական հաստատություններ

- Դպրոցականներին ներգրավվում օլիմպիադաներում, կոնֆերենցիաներում

- Դպրոցականներին ներգրավվում մասնագիտական կողմնորոշման

աշխատանքում, ստենդների, պլակատների ձևավորում: Աշխատանքը ծնողների հետ.

Ծնողները պետք է հասկանան մասնագիտական խորհրդատվության դերն ու

նշանակությունը, անհրաժեշտությունը: Մասնագիտության ընտրության հարցում

հաճախ լինում է նաև, որ ծնողների և երեխաների կարծիքները չեն համընկնում: Երեխայի մասնագիտության ընտրության նկատմամբ ծնողների վերաբերմունքը պայմանավորված է հետևյալ հանգամանքներով.

-ընտանիքի դիրքորոշումը այս կամ այն մասնագիտության կամ աշխատանքային գործունեության նկատմամբ

-ընտանիքի սոցիալ-հոգեբանական, բարոյահոգեբանական մթնոլորտը, ներքին Հարաբերությունները,

-մանկավարժական և հատկապես մասնագիտական կողմնորոշման գծով գրագիտության մակարդակը:

Ծնողների և մանկավարժի համագործակցությունը ներառում է երկու ուղղություն՝ հոգեբանամանկավարժական լուսավորություն և ծնողների ներգրավում ուսումնադաստիարակչական պրոցես:

Հոգեբանամանկավարժական լուսավորությունը մասնագիտական կողմնորոշման շրջանակներում ենթադրում է ընտանիքի հետ աշխատանքի հետևյալ ձևերի կազմակերպում.

- Ծնողական ժողովներ, դասխոսություններ, կոնֆերենցիաներ
- Երեխաների մասնագիտական կողմնորոշման հարցերով թեմատիկ զրույցներ
- Տեղեկատվական-ուղեցույցային կոնսուլտացիաներ

Մրանցից ավանդական են ծնողական ժողովները, որոնց ընթացքում քննարկվում են հետևյալ թեմաները.

- Ընտանիքի դերը ավագ դպրոցականի մասնագիտական ինքնորոշման հարցում
- Մասնագիտական կրթության համակարգը
- Կրթության ստացման եղանակները
- Մասնագիտության ընտրության սխալները
- Մասնագիտական ընտրության ժամանակ առողջական վիճակի հաշվի առնում
- Աշխատանքի շուկան և մասնագիտական կրթության նրա պահանջները

Մասնագիտական կողմնորոշման սկզբունքներն այնպիսի պահանջներ են, որոնք ապահովում են նրա արդյունավետ իրագործումը: Դրանք միաժամանակ այնպիսի ելակետային պահանջներ են, որոնք դուրս են բերվել մասնագիտական կողմնորոշման օպտիմալ կազմակերպման օրինաչափությունից:

Աշխատանքը պետք է կառուցել ելնելով ոչ միայն կոնկրետ և լավ արդյունք ստանալու հանգամանքից, այլ նաև համամարդկային արժեքներից: Առանձնացնենք սկզբունքների հետևյալ խմբեր.

Ընդհանուր մանկավարժական սկզբունքներ: Մասնագիտական կողմորոշման կապը կյանքի, պրակտիկայի հետ ենթադրում է սովորողին օգնություն ցուցաբերել ապագա մասնագիտության ընտրության հարցում երկրի աշխատանքային շուկայի պահանջներին, գիտատեխնիկական առաջընթացի պայմաններին համապատասխան:

Հաջորդականություն և համակարգվածություն: Ենթադրվում է, որ մասնագիտական կողմորոշման աշխատանքները անցկացվեն սկսած կրտսեր դպրոցական տարիքից, և հաջորդական ձևով՝ հաշվի առնելով փուլային կառուցվածքը:

Տարիքային առանձնահատկությունների հաշվի առում:

Սա հնարավորություն է տալիս մասնագիտական ինքնորոշում իրականացնել աստիճանաբար, համապատասխան դպրոցականի տարիքին:

Դպրոցի, ընտանիքի, ուսումնական հաստատության միջև փոխադարձ կապի սկզբունք ենթադրում է մասնագիտական կողմորոշման ժամանակ իրականացնել համագործակցված աշխատանք միմյանց փոխլրացնող կողմերի միջև:

Կոնկրետ մասնագիտական կողմորոշման սկզբունքներ:

Մասնագիտական կողմորոշման կոմպլեքսայնություն: Ենթադրում է մասնագիտական կողմորոշման աշխատանքի կազմակերպումը սոցիալ-տնտեսական, հոգեֆիզիոլոգիական, մանկավարժական, հոգեբանական, բժշկական, իրավական ուղղություններով, ինչը հնարավորություն է տալիս պատանուն համակողմանիորեն նախապատրաստել մասնագիտության ընտրության համար:

Մասնագիտական ինքնորոշման ինքնուրույնության սկզբունք: Էությունը կայանում է հետևյալում. հետաքրքրություններն ու ընդունակություններն ի հայտ բերելուց հետո, համագործակցելով ընտանիքի, դպրոցի հետ, յուրաքանչյուրին խորհուրդ է տրվում իրեն համապատասխան մասնագիտություն:

Մանկավարժական ղեկավարումն ու վերահսկումը պետք է զբաղեցնեն իրենց տեղը, այնումենայնիվ մասնագիտության վերջնական ընտրություն կատարելու իրավունքը աշակերտին է:

Մասնագիտական կողմնորոշման գիտակցվածության սկզբունք: Մա ենթադրում է մասնագիտության լավ իմացություն. ինչ պետք է իմանա և կատարի մարդն այդ մասնագիտության շրջանակներում, ինչպիսի պահանջներ են ներկայացվելու իրեն, ինչպիսին են աշխատանքի պայմանները, վարձատրությունը, զարգացման հեռանկարները, հնարավորության դեպքում փորձարկի իրեն այդ մասնագիտության ոլորտում:

Հասանելիություն: Անհրաժեշտ է հիմնական դպրոցականին խորապես ծանոթացնել մասնագիտությունների աշխարհին, մասնագիտության կողմից մարդուն ներկայացվող պահանջներին, մասնագիտության ձեռք բերման ուղիներին, մասնագիտական աճի հեռանկարներին, աշխատավարձի չափին, կենսական կենցաղային պայմաններին:

Գիտականությունը և հավաստիությունը: Ենթադրում է օբյեկտիվություն, մասնագիտական կրթությունը և աշխատանքը բնութագրող փաստերի, գնահատականների, թվերի հստակություն, ինչպես նաև մասնագիտության մեջ առկա դժվարությունների, վտանգների և ռիսկի մասին տեղեկացում: Դպրոցականի կողմից ինքն իրեն օբյեկտիվ գնահատելու սկզբունք: Իր հնարավորությունները որևէ մասնագիտության համար օբյեկտիվ գնահատելու համար պատանին պետք է ծանոթանա տվյալ մասնագիտության պրոֆեսիոգրամի հետ, որտեղ նշված են այն պահանջները, որը ներկայացնում է մասնագիտությունը մարդուն, նրա հոգեկանին, հոգեֆիզիոլոգիական առանձնահատկություններին, առողջական վիճակին:

Մեթոդները: Մանկավարժը մասնագիտական կողմնորոշման գործունեությունը իրականացնում միշտապես մեթոդներով: Դրանք են՝

Դիտում: Մա կատարվում է նախապես մշակված պլանով: Անձնավորությունը դիտվում է նրա գործունեության և շրջապատի հետ փոխհարաբերությունների շրջանակում: Դիտման օբյեկտը չպետք է զգա, որ դիտում են իրեն ինչն էլ կբացառի արհեստականությունը նրա վարքում և գործողություններում: Դիտման ընթացքում պետք է ուշադրություն դարձնել անձի, վարքի, գործողությունների, դատողությունների, արտահայտությունների վրա, այնուհետև վերլուծել այդ ամենը, եզրակացություն կազմել և կատարել եզրահանգումներ: Դիտման միջոցով հեշտությամբ կարելի է բացահայտել սովորողի ուսումնական և մասնագիտական հետաքրքրությունները, հակումները, կարողությունները, հմտությունները, բարոյական

արժեքները, բնավորությունը:Մեթոդը մեր խնդրի տեսակյունից արժեքավոր է այնքանով, որ հնարավորություն է տալիս պատկերացում կազմել սովորողների մասնագիտական մտադրության, հետաքրքրությունների,հակումների, ընդունակությունների մասին: Դիտումը պետք է անց կացնել դպրոցական գործունեության տարբեր պայմաններում՝ դաս, դասամիջոց, լաբորատորիա:

Զրույց: Պետք է անցկացնել նախապես մշակված պլանով, լինեն նախօրոք կազմված հարցեր: Մասնագիտական կողմնորոշման մասին զրույցը անց է կացվում աշակերտների, ծնողների և ուսուցիչների հետ: Զրույցի արդյունքում կարող է պարզվել աշակերտի հետաքրքրությունները, մասնագիտական մտադրությունները կենսական պլանները, դրանց հիմքում ընկած դրդապատճառները,մասնագիտության ընտրության հարցում դիրքորոշումները: Տարբեր հարցադրումների միջոցով անհրաժեշտ է պարզել ավագ դպրոցականը, հատկապես, որ ուսումնական առարկաներով է հետաքրքրվում, որոնք են նրա համար արժեքավոր, պետքական:Ծնողների հետ զրույցը լրացուցիչ ինֆորմացիա է տալիս աշակերտի մասին. ու՞մ է նմանակում,ո՞ր մասնագիտության մասին է հաճախակի խոսում, ինչպե՞ս է վերաբերվում ծնողների մասնագիտությանը և մտադիր է արդյո՞ք ընտրել այն:Առարկայական ուսուցիչների հետ մանկավարժի զրույցը ևս արդյունավետ է, որի ընթացքում ստացվում են բավականին տեղեկություն աշակերտի դրսևորումների, առաջադիմության, ակտիվության մասին:

Հարցում, անկետավորում: Անկետայում ներառված հարցերը պետք է լինեն հստակ ու հասկանալի: Այն անց է կացվում ոչ միայն աշակերտների, այլ նաև ծնողների հետ: Դպրոցականների ուսումնասիրման համար օգտագործվում են տարբեր անկետաներ՝ կախված հետազոտության փուլից,նպատակից, փորձարկվողի տարիքից և այլն: Օրինակ՝ սկզբնական շրջանում նպատակահարմար է կիրառել բաց տիպի անկետաներ:Հարցման ձև են հանդիսանում նաև գրավոր շարադրություններն ու վարժությունները:

Թեստ: Կան մասնագիտական պիտանելիության որոշման հատուկ թեստեր, որոնք պարզում են, թե անձը իր ընդունակություններով և առանձնահատկություններով որքանով է համապատասխանումսովյալ մասնագիտությանը: Թեստերի միջոցով անձի մոտ կարող ենք պարզել նաև այնպիսի առանձին որակների առկայությունը,

որը որպես պահանջ նրան է ներկայացնում կոնկրետ մասնագիտությունը կամ ընդհակառակը՝ մասնագետի մոտ այդ որակը չի խրախուսվում: Անկախ բնութագրերի հավաքագրման մեթոդ: Մա այն բնութագրերի հավաքագրման մեթոդն է, որը տրվում է միևնույն անձի մասին նրան ճանաչող անձանց (ծնողներ, մանկավարժներ, ընկերներ, բժիշկներ, մարժիչներ) կողմից և իրարից անկախ: Այնուհետև այդ ամենը համադրվում և վեր էլուծվում, դուրս է բերվում հակասությունները, կատարվում ընդհանրացումներ: Այս մեթոդի կիրառման ժամանակ սուբյեկտիվությունը նվազում է՝ կապված դպրոցականի հետաքրքրությունների, հակվածությունների, ընդունակությունների, այս կամ այն մասնագիտական գործունեության համար պիտանելիության գնահատման հետ:

Մանկավարժական էքսպերիմենտ: Անց է կացվում ինչպես առանձին աշակերտների, այնպես էլ ոչ մեծ թվով աշակերտների խմբի հետ: Լինում է բնական ուսումնական, դաստիարակչական պրոցեսի բնականոն պայմաններում և լաբորատոր հատուկ լաբորատորիաներում: Աշխարհում կան բազմաթիվ ու բազմազան մասնագիտություններ, որոնք տարածվում են մարդկային գործունեության ամենատարբեր բնագավառների վրա: Այդ բազմազանությունը հասարակության, գիտության, տեխնիկայի զարգացմանը զուգընթաց անընդհատ փոխվում է: Պարզ էղառնում, թե որքան կարևոր է մասնագիտության ճիշտ բնութագրումը, նրա էականառանձնահատկությունների առանձնացումը, ինչը հնարավորություն է տալիս մասնագիտություն ընտրող մարդուն հասկանալ, թե որքանով է այն համապատասխանում իրեն:

Եզրակացություն

Մասնագիտական կողմնորոշում» դասընթացի ծրագիրը կնպաստի սովորողների մասնագիտության գիտակցված ընտրությանն ու ինքնազարգացմանը, կօգնի սովորողներին ուսումնասիրել իրենց հետաքրքրությունները, պլանավորել կարիերայի հետ կապված դրական փորձառությունները և գործողությունների նախագծման մեթոդի օգնությամբ յուրաքանչյուր տարիքային փուլին համապատասխան կատարել գիտակցված և նպատակային որոշում:

Մասնագիտական կողմնորոշման միջոցով հնարավոր կլինի նպաստել սովորողների դիրքորոշումների ձևավորմանը, սահմանել կարիերայի ժվարին, բայց իրագործելի նպատակներ, պատասխանատվություն կրել սեփական որոշումների կայացման գործում և շարունակել աշխատաշուկայի մարտահրավերներին համապատասխան հմտությունների զարգացումը:

Մասնագիտական ճիշտ կողմնորոշման գործընթացում, մասնագիտության ճիշտ ընտրության համար անհրաժեշտ է հաշվի առնել ավագ դպրոցականների հոգեֆիզիոլոգիական և անհատական առանձնահատկությունները:

Վերջնարդյունքում, մասնագիտության ընտրությունը և կարիերայի պլանավորման գործընթացի մարտահրավերը կիրագործի ողջ կյանքի ընթացքում, կկարողանա արագորեն, նպատակային, գիտակցված ընտրել նոր մարտահրավերներ և շարժվել ժամանակին և իրավիճակին համապատասխան:

Գրականության ցանկ

- 1.Ն.Չախոյան, Զվագ դպրոցականների մասնագիտական կողմնորոշման հիմնախնդիրը ժամանակակից դպրոցումԵրևան, 2014թ.:
- 2.Ուսումնամեթոդական ձեռնարկ հանրակրթական դպրոցներում մասնագիտական կողմնորոշման ծառայություններ իրականացնող մասնագետների համար:Եր.,Մասնագիտական կողմնորոշման և կարողությունների զարգացման կենտրոն,2021թ.
- 3.Մասնագիտական կողմնորոշման նյութերի ժողովածու ուսուցիչների համար(8-12-րդ դասարաններ)-Երևան 2017թ.
- 4.Գևորգյան Հ., Մասնագիտական կողմնորոշման գործընթացի իրականացման տեխնոլոգիաները, Ուսումնամեթոդական ձեռնարկ, հեղինակային հրատարակություն,Երևան 2016թ.

-20-